

中國大運河歷史文獻集成

39

德州

聊城

濟寧

徐州

揚州

蘇州

主編 王雲 李泉

國家圖書館出版社

第三十九册目錄

永定河續志	清·朱其詔纂修	一
稟復道憲洪查勘四女寺減河工程並說貼估册各稿	清·單晉和撰	四二一
直隸五大幹河匯津達海圖說	民國·黃國俊撰	四四三
淮沂泗圖說摘要	民國·談禮成纂修	四六一

〔清〕朱其詔纂修

永定河續志

清光緒刻本

永定河續志

《永定河續志》，清朱其詔修。朱其詔，字翼甫，江蘇寶山縣（今上海寶山）人，其家幾代從事沙船業，為淞滬巨商，曾出資捐為知縣，後升為道員，負責江浙地區漕運事宜。朱其詔還曾出任永定河道一職，經常出巡河堤上下，查勘利弊。後又擴建天津電報學堂。光緒十六年（一八九〇），創設天津海軍醫學堂，海軍醫學堂創建不久即病逝，清廷追贈其內閣學士。

《永定河續志》是繼李逢亨《永定河志》的續編。卷首序言中有《詳定續修河志章程》，交代了該書的撰寫緣由。該志書凡十六卷。

卷一「繪圖」，所繪「永定河全圖」乃採用測量法，圖中用不同的圖例分別表示御碑、神廟、衙署、汛房、鋪房、石橋、村莊等內容，一目瞭然。圖幅採用了一比四萬五千的比例尺，接近現代人的閱讀習慣，卷二「工程」，分別是石景山同知轄六汛經管堤工里數、南岸同知轄六汛經管堤工里數、北岸同知轄六汛經管堤工里數、三角澗通判轄六汛經管堤工里數、北岸通判轄六汛經管堤工里數、兩岸減水閘壩式、下游堤工、下口河形、漫口叙略等項，卷三「經費、建置」，包括歲需款目、另案工需、河淤地畝、葦蕩地畝、香火地、碑亭、祠廟、衙署、防汛公署等，資料比較翔實。需重點解釋以及與舊志不符的內容，另附小字說明，卷四至卷七為職官表，詳列嘉慶二十年至光緒六年間職官情況，職官表前後分叙官屬和官俸役食，卷八「兵制」，包括河管員弁、兵額、俸廉心紅馬乾馬糧、兵餉等，卷九至卷十四為奏議，內容龐雜，卷十五、十六為「附錄」，分別輯錄了碑刻、稟報、叙論等內容。

該書在體例上既承襲前人，又有所創新：其一，採用了新的繪圖方法，因舊志所繪地圖，儘管詳於源委，但未全面表現出道里遠近，且與當時的形勢小有所異，於是「茲復測量廣表，並略仿李申著太史一通輿圖法，按分計里，縱橫分繪，以便觀覽」；其二，突出防汛等現實問題，石景山以上部分於防汛關係不大，故簡要敘述；其三，將舊志載在經費門兵餉條下的「兵制」部分，單獨列為一門；其四，力求精煉，舊志詳盡敘述部分，該志書不再重復。總體而言，該書對於研究嘉慶以來永定河的河道變遷、建置沿革、經費、職官、兵制等情況具有重要的史料價值。

此書有國家圖書館藏清光緒刻本，《中華山水志叢刊》據之影印。
本書以清光緒刻本為底本影印。（李德楠）

永定河續志

諭旨

永定河續志卷首目錄

康熙七年至嘉慶十三年 補舊志缺

嘉慶二十年至光緒六年

永定河續志卷首 目錄



永定河續志卷首

諭旨

康熙七年七月

命工部侍郎羅多等築盧溝橋決口及隄岸禁止隄岸莊佃私

開溝河

康熙二十一年 月

命工部尙書薩穆哈順天府尹熊一滿察看石景山至盧溝

橋隄岸確估修治

康熙三十七年三月以渾河漫決水患頻仍

上親臨閱視命巡撫于成龍大築隄堰疏濬兼施河成

永定河續志卷首 諭旨

賜名永定河于成龍引渾河起良鄉之張各莊涿州之老君堂至東安之狼城河重啟一道使東由固安縣北十里舖至永清之北直出霸州柳岔口三角旋達於西沽

築長隄捍之北岸隄自狼城河口起上至張廟場長二萬七千一百六十二丈五尺計程一百五十里由張廟

場而上沿河五里地勢高峻無隄又沿河二十里至立

坐積沙成隄上接盧溝石隄南岸隄自狼城河口起上

至欄河堤長二萬七千三百七十五丈五尺計程一百

五十二里由欄河堤沿河西至高店

三十四里積沙成隄上接盧溝石隄

康熙三十八年十月

上巡視永定河隄至盧溝橋南原任河道總督王新命等奉

上諭此河性本無定溜急易淤沙既淤則河身墊高必致淺隘因此泛溢橫決沿河州縣居民常罹其災今欲治之務使河身深而且狹束水使流藉其奔注迅下之勢則河底自然刷

深順道安流不致氾濫今朕獨觀兩岸將緊要應修處逐一詳審爾等務期次第修築遵諭而行

上至北蔡村夏莊村南蔡村等處王新命等奉

上諭於此三處從上流作挑水埧不必過長則大溜為其所

偏對岸淤處畧加挑濬水即瀉入直流矣著俟明春興工

上至郭家務村南大隄以豹尾鎗立表於冰上親用儀器測驗

王新命等奉

上諭測驗此處河內淤墊較隄外畧高是以冰凍直至隄邊以

此觀之下流出口之處其淤高必甚於此如此壅滯安能暢

流此等隄工卑矮可虞若不預行修築明春水發難以堵禦

永定河續志卷首 諭旨

必自今冬下埽加幫增高不可取近隄之土若取土成溝水

流溝內有傷隄根者取近河土用之即運土稍遠亦無不可

又奉

上諭今永定河自郭家務以下壅淤已高出七八尺若掘壘方

濬河身不但多需工力必致歲歲壅淤南隄之南地最窪下

若隨其窪下濬治於掘出之土即行釘椿築隄堅固則修理

最易抑且北隄三層於河更屬有益爾等修理時可將河口

修窄漸次放寬於兩邊築隄使高大則水勢迅急沙自不能

停住若遇村莊近處宜詳視妥當委曲遠移或砌之以石與

村居無礙始行修理俟新修河工告竣朕親臨視開放河水

康熙三十九年二月大學士等奉

上諭朕往閱永定河見河工諸員並無知曉因朕指示周詳河工諸臣方悟而大悅總之經任河務者勤而且廉即克底績此河告竣則黃河亦可做此修之朕御小舟入郎城等淀淤淺之處偏視之則河之當移柳岔也蓋無疑矣郎城河全被沙淤墊高至來年可耕為田而欲於此處出水直強之耳水口所關重大若非親臨目擊可輕斷乎至治河大臣畏縮不前反再三陳奏以為不可行者今復何辭

又奉

上諭郎城之遙隄甚有用清水渾水俱以此當之新河開畢若

永定河續志卷首 諭旨

三

即修築南北兩岸遙隄完工後交地方官各自分守稍有損壞處用民夫補修著傳諭直隸巡撫李光地朕將於四月來臨不時遣人察視爾等謹慎無忽

康熙三十九年四月

上巡視永定河隄大學士等奉

上諭朕前者到此曾指示挑濬河灣令其下椿今日觀河水已涸乘此水涸之時易於成功其徑直挑濬處須令寬濶即以所挑之土培築隄岸甚為有益現無雨水二十日可以告竣目今東作方興夫役難於驟雇八旗並包衣屬下每佐領派護軍驍騎各二名步軍共一千令其挑濬凡人員廢官有願

濬河効力者亦令前往又

巡閱竹絡埧李光地等奉

上諭莽牛河出水之口亦宜下埧防之隆冬冰結之時莽牛河口著照常開洩清水流於冰下則水為冰所偏向下衝刷河底自然愈深又

閘新修石隄奉

上諭朕修此石隄特欲其堅而更堅之意如此則河水斷不復歸舊河此地黎民亦可安枕矣又

閘竹絡埧迤東河道大濬奉

上諭此地正當頂衝甚為危險現今此處續修石隄尚未興工

永定河續志卷首 諭旨

四

著速取南方運來杉木卽下排椿及埧堅固修築又奉

上諭觀新挑河道水流既直出柳岔口亦順河岸較前甚高而河亦深此皆莽牛河水衝刷之故閱其地勢南岸最為要緊故將應行堅修諸處詳行指示爾等勿謂其已成而遂忽之

雍正四年四月奉

上諭去歲畿南被水朕軫念民生除截漕賑濟外又特命怡親王等親往查勘地理情形以除水患以興水利今一切工程事務雖有分發効力人員但地非素經人非素轄恐呼應不靈必得本處地方官公同協辦始克有濟且事必專一方可奏功凡直隸地方文武官於水利事務須與分發効力人

員和衷協助如有膜視推諉及阻撓者俱著怡親王題發實力奉公者亦著保題

雍正八年十二月

命吏部左侍郎劉於義為直隸河道水利總督內閣學士徐湛恩協辦河道事務

乾隆二年六月奉

上諭永定等河隄工有衝決之處著協辦吏部尚書事務顧琮馳驛前往察勘其應行搶修事宜著同李衛劉勳遵行籌畫辦理

乾隆三年九月奉

永定河續志卷首 諭旨

五

上諭朕在途次將永定河工事務詢問朱藻顧琮見其言語支吾且云將來若無大水而隄岸加高加寬便可無患等語前大學士鄂爾泰與李衛顧琮等細加斟酌定有成議原為一勞永逸之計今顧琮忽變其說以為永定河既已治壞止可加夫加料竭力防守且觀伊等所辦未必悉照從前所定之規模從來修治河工原以防水漲之年得以保固始於地方有益若謂無大水而後可以無患則殊失治河之本旨矣且今年並無大水而隄岸已經被衝又何說也伊等又云河身不能疏濬夫概行疏濬固有難行之處而水之去路若不疏濬何以使水有所歸宿耶又如金門關等工乃去年早已議

定者何以至今尚未就理耶種種河務伊二人總不能切指情形得其要領觀其陳奏之時慚懣徬徨似有自覺理短之意如此則辦理既未合宜而工程亦未必覈實可傳旨詢問之或伊等在朕前不能敷陳詳盡可令其明白詳悉具奏

乾隆四年正月

命尚書公訥親查看永定河故道

乾隆四年八月奉

上諭直隸地方水利未講以致水漲則受其害而平時未獲其益前屢降旨令悉心籌畫善為經理據孫嘉淦陳奏大概論

永定河續志卷首 諭旨

六

論河道情形至如何消除積水俾民間田畝收水利而免水害之處未曾詳悉奏及朕思此時乃水勢消落之際又值年穀收穫正宜董率官吏及時經營不但工程可以早竣而無業貧民亦可藉以餬口若不趁此時速為料理為未雨綢繆之計轉瞬春水長發又恐難以施工朕為閭閻疾苦時慮於懷為封疆大臣者當體此意可即傳諭孫嘉淦知之

乾隆五年九月

命江南河道總督高斌會同直隸總督孫嘉淦詳勘永定河故道

乾隆六年正月總督孫嘉淦奏永定河工公議暫堵隄口俟引河挑空寬深再行開放 實不敢扶同奉

上諭卿此奏固是但大學士等亦係慎重欲籌萬全之意卿亦不必固執已見也且舊河下口尙未會勘會勘之後卿等和衷詳酌自有定議總之此事卿所見甚當所任甚力而辦理未盡善處朕亦不能爲卿諱然而朕終以卿爲是者以卿不似顧琮爲游移巧詐之計耳

乾隆六年三月總河顧琮奏前請挑河築隄各工程既經閣臣等入告准行復議從中阻伏秋汎漲設有疎虞咎將誰歸此事已與督臣意見相左臣在任無益請簡員接辦奉

永定河續志卷首 諭旨

七

上諭此所謂中心疑者其辭支也此案汝向來遷循反覆卑鄙無恥之狀亦不必盡提卽堵金門關以後汝所題者工則新生項則新撥汝舊年胡乃不如是之盡心料理耶此其故一則欲多費錢糧以形孫嘉淦之冒昧開河以爲不如是則無此番之多費一則汝等河工大小官員以爲將來無河可修無利可漁趁此一舉可以多吞汝試思光天化日之下可容汝等如此作爲乎且未改河以前胡乃無一語及此而改河以後議論紛紛卽以汝庸材亦豈能辦此鉅工今汝之奸朕皆燭破乃故爲此憤激之言思欲中傷閣臣夫閣臣有何親於孫嘉淦而疎於汝乎且明知汝二人皆不可辦此欲週秋汎之後使高斌來專辦一切彼雖請項浮於汝朕亦不惜以

爲得實濟耳汝若能保汝之所請皆歸實用或將來高斌到此不致月有疏通而汝所請之項爲虛費於無用之地則亦可照汝所奏行之汝其明白回奏朕恐汝身家未必足二十萬之數也

乾隆六年八月奉

上諭直隸河道必須總督一人兼理事權歸一始於河務民生均有裨益高斌係熟悉河務之人今補授直隸總督河工一切機宜俱著伊相度辦理河道總督顧琮著回京候旨其河員河兵及効力人等應留應去高斌到任之後留心查察次第奏聞其効力人等必需留工者應酌定額數以杜冒濫著高斌一併詳議具奏

永定河續志卷首 諭旨

八

乾隆十二年五月奉

上諭直隸河務現交總督那蘇圖管理伏秋二汎甚屬緊要總督事務紛繁一切修防工程難以兼顧張師載向爲南河道員通曉河務著前往協同辦理

乾隆十三年七月奉

上諭據那蘇圖奏稱永定河伏汎疊長六月二十七日石景山長水至三尺六寸南岸金門關石垣過水七寸履勘河身有沙嘴中梗溜勢坐灣趨闊恐減洩過多於金門迎溜上層做垣挑水等語金門關石垣原以備減洩永定河漲溢之用遇

伏秋盛漲不患其減洩過多卽有沙嘴中梗少用人力挑導借盛漲之水衝刷亦易不必另建挑水坝若在水小之時挑水令入中洪則可今於盛漲立坝恐浮沙卽依坝填淤金門開過水固可無慮其多而下游疏洩卽慮其有梗塞所見似未妥協朕意所立挑水坝不如去之爲是并俟高斌回日將此情形問彼會奏可傳諭那蘇圖令其酌量辦理

乾隆十三年七月總督那蘇圖奏覆金門石坝情形奉

上諭覽奏並河圖知挑水坝之設原以救弊一時且溜已漸歸中洪立坝亦不爲無補僅河身大溜仍欲趨濶朕就所閱之圖似應於硃筆直畫處開一引河使大溜暢達下游歸河身

永定河續志卷首 諭旨

九

正溜似可不慮其奔注金門開以致減水太多但是否與形勢相合可傳諭那蘇圖令其酌量情形如引河當開所費約畧幾何儘立坝之後河溜已歸中洪而引河又費工甚鉅卽可不必著詳悉相度奏聞

乾隆十四年十月奏

上諭據方觀承奏稱永定河南北兩岸隄身比河灘僅高二三尺者甚多查前任河臣高斌於乾隆十一年奏准動項五萬餘兩將兩堤北堰加高培厚數年以來河漸淤墊隄復卑矮賴有各坝分減水勢得保無虞今將甚卑薄險要處所酌量開段加高培厚以資捍禦等語治河之道必使下流有所宣

洩方不致阻滯泛溢衝決爲災是以疏濬決排爲治水之正道若但就現在隄堰加培高厚則河身必致淤墊行見河身日高隄堰亦隨之日長束水而出之平地之上長此不已將復安窮此不過苟幸目前耳今之淤墊者卽前督動項加培之處是其爲害已有明徵今仍不外於加高培厚豈所謂熟籌久遠之計耶方觀承於事理尙屬明晰畿輔水道當所素諸著從長月爲酌辦毋得姑循舊轍苟且了事南北河工總以加高培厚四字爲動項開銷秘鑰而使河流日漸高仰必致貽後來莫大之患並將此諭高斌知之其南河目下有似此加高培厚者否一併令高斌等詳悉奏聞方觀承指亦發與高斌看

永定河續志卷首 諭旨

十

乾隆十四年十一月奉

上諭據方觀承奏稱乾隆二年河身自六工以下已有高仰之形經大學士鄂爾泰往勘會同前督臣李衛河臣顧琮議改空新河卽以北隄爲南隄另築北隄長三十六里因其下有積水侵佔未及完工至乾隆五年河臣顧琮續請築築北堰臣此次查河詳加履勘祇須畧爲修補開空新河以容正溜惟多村莊廬舍非數月能辦之事是以仍議暫由舊道等語朕思加高隄堰固屬治水下策而空改河口亦未易輕言蓋洪流巨漲非人力所能開濬使永定河可空則黃河亦可空

使復循九河故道矣即今改定新河而數年之後不能保其
不復淤塞則此一番工役豈不徒爲虛費况廬舍至萬有餘
戶墳墓至六千餘穴田畝至千有餘頃小民安土重遷難與
圖始無故而令其流移轉徙彼未見遠水避災之利而先已
不勝擾累此改河之議不待智者而知其不可也鄂爾泰久
經物故即使籌辦未當亦不必問及後嗣其所勘或就當時
情形定議或本屬無益空言俱姑置弗論但所稱未及完工
者其已興修之處曾有幾成顧琮接築北堰曾否完竣摺內
尙未明晰自朕觀之治河之道加高固不可行培厚或庶其
可誠使培於隄後而前岸之近河者展而益寬則水有所容

永定河續志卷首 諭旨

十一

可免於溢決此變通於前人不與水爭地之意而可無紛更
徒置之勞當較勝於加高東水與開定新河者朕明春巡幸
霸州即可按行永定親加相度其中一切未盡情形該督面
請指示

乾隆十六年八月奉

上諭據方觀承奏目前運河水長平槽三岔河一帶並有海潮
倒漾大清河東注之勢不能迅暢以致鳳河下口亦有屯阻
等語今年雨水調勻各處河流順軌三岔河一帶何以海潮
尙有倒漾是必海口爲淤沙壅滯不能深通暢流之所致此
處於河道大有關係亟宜留心經理蓋北河運遷入海挾沙

而行一路隨行隨積與南河海口情形本自不同况如去年
秋冬之間沿河地方尙有未經涸出地畝夫水過白露何致
尙未歸槽可見下游入海之路不無淤墊應行及時籌辦著
傳諭方觀承令其親身前往悉心相度有應行酌量辦理之
處卽速詳查具奏

乾隆十六年十一月

命戶部侍郎汪由敦會勘永定河下口

乾隆十九年六月奉

永定河續志卷首 諭旨

十二

上諭方觀承奏永定河下口隄堰漫水一摺據稱此處堰外名
線兒河悉係水草一望湖漫並無村莊地畝等語此時河水
盛漲漫口旣屬堰尾又外俱空濶處所無田廬民舍似可任
其流溢但恐或致淤高淀底以致倒漾之患耳若無此患似
可聽其合流使下口益暢該督旣飭汛員調集埽船撈泥割
草以圖堵閉蓋爲恐致淤墊耳著詳悉查明具奏至所稱漫
口在鳳河下口之上因上游之水暢消下注鳳河宜洩不及
屯積堰根以致漫溢則何不於鳳河受水之處量爲開寬口
面俾得暢洩則上游之水亦可速消當有裨益

乾隆三十五年五月

命工部侍郎德成會同總督楊廷璋督堵北岸二工決口

乾隆三十五年六月奉

上諭據德成楊廷璋奏辦理永定河北岸漫口情形稱五月二十八日亥時大雨如注河水陡長將新下之埽掀滅湮浮現在水深二丈五尺釘椿難以穩固惟有漫口以北老隄尙屬堅實卽於該處斜鑿軟埽挑溜入河仍於坐灣頂衝更開河引溜歸舊等語大雨後河水驟長溜流猛迅原非人力所能強爭若急於下埽以搜其勢轉恐於事無益但永定河之水非黃河長源遠赴者可比盛漲既過卽可漸平自應暫讓其洶湧之性俟一兩日後流緩溜微卽行加緊堵築興工自當較易而現在開空引河引溜歸舊最爲緊要關鍵若引河速成於築口合龍尤易於集事德成務同楊廷璋詳度機宜妥

永定河續志卷首 諭旨

三

速籌辦再向來沿河正隄之外俱築遙隄此次漫溢之水若在遙隄之內則原係豫留河流蕩漾之地尙屬無防或已漫開遙隄仍復折歸埵內所經之處亦復有限儻竟溢出遙隄一往氾濫則民地田廬必被淹損楊廷璋卽應確查被水之區是否成災迅速照例分別撫卹經理毋使小民稍致失所仍將實在情形詳晰奏聞毋少諱飾至楊廷璋昨歲面見時曾奏及所辦永定河工程伊到彼卽得神力相助迅速奏功彼時覺所言畧涉自滿從來明神默相原屬理所應有而河神尤爲靈應果能極盡誠敬未嘗不可感通若書冊流傳開雲返風之類輒自詡爲正直神自扶持不過文人任意誇張

殊不足信楊廷璋設或稍存此念未必不因此致損招尤卽應深自懺悔積誠孚感以期速佑安瀾仍著楊廷璋等將日來施工有無成效之處卽速具奏

乾隆三十六年七月

命侍郎德成會同總督楊廷璋督堵南北兩岸漫口又

命兩江總督高晉工部尙書裘日修會同籌辦

乾隆三十九年 月奉

上諭永定河舊例每年歲需銀三萬四千兩定額永遠刪除嗣後每秋汛後將下年歲修需費若干勘估奏明請領次年驗收覈銷其搶修先發一萬兩存貯道庫儻有不敷奏明墊發

永定河續志卷首 諭旨

市

工竣覈銷

乾隆四十九年三月

命步軍分段挑挖盧溝橋下沙淤

嘉慶二年七月奉

上諭熱河於二十日丑刻又復陰雨至午刻尙未晴霽雲氣仍自西南而來因思永定河漫口前據梁肯堂奏新築隄工因十五日之雨又塌去二十餘丈究係該督等意存欲速鑲築未能堅實所致本日未識是否亦有陰雨深爲慮念傳諭梁肯堂惟當虔禱河神垂佑不可稍涉怨尤並督率工具慎重進占步步穩實毋得草率從事

嘉慶三年三月奉

上諭據胡季堂奏永定河隄工殘缺應行補築分別緩急辦理所奏甚是近日河員往往擬將河隄增高以禦汎漲殊不知河底淤墊不思設法疏濬徒將隄頂日益加高則河底豈不益高於事仍屬無濟著傳諭胡季堂祇須將應修應築事宜分別酌辦不可輒事增高以致徒費無益

嘉慶六年六月奉

上諭昨因大雨連綿河水漲發朕心深為慮念特派那彥寶等前往盧溝橋一帶查看被水情形據覆奏盧溝橋東西隄岸被水衝塌漫口四處水勢散溢下游居民田畝被淹浸者必

永定河續志卷首 諭旨

五

多自宜趕緊修築以資保護所有東岸工程著派侍郎那彥寶武備院卿巴寧阿前赴拱極城駐紮督辦其西岸工程著派侍郎高杞祖之望前赴長新店駐紮督辦各帶司員率同地方官上緊設法疏消堵築缺口俾要工即臻鞏固毋稍遲緩

嘉慶六年六月奉

上諭那彥寶等奏查勘永定河下游河身內並無急湍長流附近居民在河身內高阜處所種植秫豆等物其南岸隄外並有涸出地畝趕種晚莪等語可見下流高仰已非一日若不設法使河流仍歸故道則南苑一帶豈可竟成河流熱徑耶

此時伏汎盛漲口門一時不能堵築惟有開空引河吸溜歸槽最為要務著那彥寶等四人會同能枚相度地勢何處可以挑空引河即稍佔地畝亦屬無可如何應詳酌具奏

嘉慶八年閏二月奉

上諭顏檢奏永定河購料情形今昔不同請暫准酌加運腳一摺永定河購辦物料向在附近村莊採買均按例價支發自嘉慶六年被水後河工需用秬稻向遠處購買以致運腳多費自係實在情形著加恩照顏檢所請除永定河下游六汎採買物料仍照例價外其上游八汎辦理稽料每束加腳價二釐五毫以資採買該督仍督率河道等隨時稽查俟致手後附近地方可以採買即將加價停止仍照定例開銷

永定河續志卷首 諭旨

六

嘉慶十三年六月奉

上諭甘省為黃河上游每遇汎期水漲俱用皮混沌裝載文報順流而下知會南河東河各工一體加意防範得以先期籌備因思永定河發源於晉省渾源州該處水勢情形設遇汎期加長亦應速行知會下游豫為防護著該撫飭知渾源州隨時稟報備察看水勢增長即由六百里一面具報直隸總督一面呈報軍機處勿稍遲滯並著成寧將該省現在雨水情形及渾源州水勢如何速行查明具奏以慰廑注

以上節錄用
清舊志之缺

嘉慶二十年六月奉

上諭那彥成奏永定河工漫水一摺永定河北岸七工二十四號因六月二十二日以後雨大水長漫口塌寬六十餘丈該督現已飭令該管河道趕緊購買物料並親赴該工查勘此次永定河漫工距下口甚近逼口門後仍循隄外減河歸入正河尾閘現在盤做裏頭著那彥成確實勘明俟物料購齊即行相機堵築復歸故道其失於防護之專管通判鄭以簡主簿邱鳳梧協防同知王履泰通判單應魁縣丞汪兆鵬俱著摘去頂戴仍留工効力如堵築迅速再行奏請開復永定河道李于培到任甫逾一月於河務情形尙未閱歷著加恩免其議處那彥成自請議處亦著寬免俟漫工堵台將用過工料銀兩著落該督分賠十分之三其被淹村莊著迅速查明奏請撫卹欽此

嘉慶二十年七月奉

上諭那彥成奏永定河北七工第十號隄埝被水漫溢趕緊盤做裏頭並自請嚴議一摺永定河北七工漫口距前次漫口不遠幸仍循減河故道下注未經旁溢那彥成現在差次趕辦橋道未能兼顧所有自請嚴議之處著加恩寬免其漫口處所業經盤做裏頭那彥成俟要章送駕後即馳赴工次查勘情形應如何歸併堵築之處妥為辦理可也將此諭令知

永定河續志卷首 諭旨 七

之欽此

嘉慶二十年八月奉

上諭那彥成奏查勘永定河北七工第十號並非漫口並悉處疎防之廳汎各官一摺此次北七工第十號漫溢處所係因溜勢陡長於隄埝上過水未成缺口該道李于培照漫口具稟係因不諳河工形勢著加恩免其議處即將第十號漫口罰令填築堅固不准開銷該管廳員三角淀通判鄭以簡員東安縣主簿邱鳳梧兩次失防實屬疎玩均著革職留工効力俟漫工堵台後再行覈辦其北七工二十四號漫口即日興工堵築著溫承惠前赴工次幫同李于培妥協辦理工竣後回京供職欽此

永定河續志卷首 諭旨 六

嘉慶二十年九月奉

上諭那彥成奏永定河北七工漫口合龍一摺此次堵築永定河漫工口門水勢尙深至三丈有餘東西兩垣經各工員晝夜鏟磨穩固引河暢順一舉合龍二十餘日通工告厥辦理尙爲安速李于培著加恩開復道員仍留直隸補用北岸同知張泰運著賞加知府銜南路同知許嗣容易州知州金株俱以應升之缺升用以示獎勵欽此

嘉慶二十年十月奉

上諭那彥成奏查明永定河辦工出力人員懇請施恩一摺此

次永定河堵築漫口辦理迅速各工員尙屬奮勉加恩著照所請保定府同知汪炯永定河南岸同知孫豫元定州直隸州知州張孔源候補同知張承勳俱賞加知府銜河間府知府彭應述交部從優議叙候補同知沈華旭准其捐復知府原官蔚州知州張道渥豐潤縣知縣杜懷瑛內邱縣知縣李鈴以應升之缺升用候補同知袁煥候補通判馮德响俱改撥河工先儘補用候補同知管文愷候補縣丞袁修敬黃瀚候補從九品陳裕俱改撥河工候補縣丞陳選候補從九品潘炯候補未入流殷璋賈昶俱儘先補用都司謝成賞加遊擊銜守備李存志守備銜河營協備夏芳茂俱賞加都司銜

永定河續志卷首 諭旨

五

千總未培賞加守備銜河間府同知王履泰候補通判單應魁候補縣丞汪兆鵬俱開復頂戴已革通判鄭以弼降等以州同補用已革主簿邱鳳梧降等以巡檢補用捐復知縣王餘師准其留於直隸補用王奎聚蔣兆璠沈守恆張洽儲斗南翁斯福董鴻俱准其捐復原官仍留直隸補用該部知道摺單並發欽此

嘉慶二十一年七月奉

上諭方受疇奏秋汛安瀾一摺本年永定河水勢疊經漲發南
北兩岸隄工屢報出險那彥成未能到工防汛所有各工段
均係該道葉觀潮督率搶護一律平穩現在節交白露奏報

交瀾葉觀潮著交部議叙欽此

嘉慶二十二年二月奉

上諭御史謝崧奏河漕員弁議叙太多請覈實辦理又地方候補不由河工出身人員請停止改補河工二摺所奏俱是河工設立文武員弁保護安瀾是其專職其沿河各員于漕運過境催趨迅速亦係分內之事近來河漕保舉出力人員本屬過多並有捐升降革兩項人員既非現在河工亦一體保列奏留本省及捐復原官實爲昌濫至地方人員與河工本各有職守此時河工人員儘數差委又何庸於地方人員內紛紛撥用不過爲該員等補缺升遷地步亦屬取巧嗣後該

永定河續志卷首 諭旨

六

督撫暨河督漕督等於每歲防工催漕人員均不得率行保別如遇有特旨飭令保奏准將尤爲出力人員覈實保舉勿許濫及多人若未經奉旨率行保奏者或將捐升降革人員奏留本省及捐復原官者除不准行外仍將該督撫河督漕督等交部議處以杜奔競而肅官方欽此

嘉慶二十四年七月

命戶部侍郎那彥寶查看永定河水勢

嘉慶二十四年七月奉

上諭那彥寶奏永定河北岸二工南岸四工漫溢情形一摺前
因永定河水勢盛漲特派那彥寶前往查看茲於二十日午

刻北二南四兩工同時漫溢著派吳璫那彥寶分投籌辦吳璫接奉諭旨迅速先赴北二工如那彥寶在彼籌堵吳璫即速赴南四工勸辦若那彥寶已赴南岸吳璫即駐北岸辦理北二工其南四工交那彥寶籌辦伊二人各帶司員專辦一處工程不必會商各將水勢情形口門丈尺及水歸下游淹浸何處先行查明各自具摺陳奏其所需工料銀兩亦各自約計數目先行奏明由部庫撥給以便籌備物料定期興工將此由四百里諭令知之欽此

嘉慶二十四年七月奉

上諭方受疇奏永定河疎防各員并自請議處一摺本年永

永定河續志卷首 諭旨

圭

定河秋汛水勢異漲北二工南四工同時漫溢與衝決隄岸者不同所有石景山同知馬金陞署北岸二工員鄉縣縣丞王庚并南四工廳汛各官均著加恩免其革職即責令該員等勉力趕緊堵築合龍方受疇及河道李逢亨加恩一併免其議處著方受疇迅即派員查明北二工南四工各下游被淹地方先行奏聞該督候送駕後再行親往查勘籌辦撫卹事宜奏明候朕施恩欽此

嘉慶二十四年七月奉

上諭永定河道李逢亨經理河務是其專責本年永定河漫口雖由水勢異漲該道不多備物料以致搶護不及咎無可辭

李逢亨著即革職交吳璫等飭令專辦南四工漫口如能堵築迅速工竣後奏明再行酌量施恩欽此

嘉慶二十四年七月奉

上諭據那彥寶奏永定河北上頭工水勢漫溢側注口門約三百餘丈已掣動大溜七分等語前因永定河北二南四兩工同時漫溢降旨令吳璫那彥寶分往籌辦現在北岸上頭工漫口三百餘丈該工地處上游既已掣動大溜河不兩行北二工漫口自己滙歸一處其南四工漫口諒必水淺掛淤此時吳璫不必前往南四工所有北上頭工漫口即交吳璫那彥寶二人會同辦理務同心共濟妥協籌商以期迅速藏工所需工料銀十萬兩已降旨由戶部撥往應用如有不敷再行奏請張裕慶准其帶往並揀派京察一等司員三人交伊等一併差遣委用其丞倅等員已降旨令方受疇派往矣李逢亨業已革職其南四工漫口易於堵築著吳璫等即飭知該革員令其前往專辦此處工程以贖前愆如果愧奮出力工竣後再行酌量施恩吳璫等查明口門丈尺水勢深淺即速購料預備興工每屆五六日將辦理情形具奏一次以紓廑注將此諭令知之欽此

嘉慶二十四年七月奉

上諭吳璫等奏永定河北岸上頭工漫口大溜全歸一處下游